


مدیری : احمد رضا

محل ادارسی :

48, Rue Monge, Paris.



و مشاورم فی الامر

آیده ایک دفعه نشر اولتور

بر سنه لك آونه بدلی قرق یس غروشدر

بر نسخه سی ۲ غروشدر

عُمّالی اتحاد و ترقی جمعیتک واسطه نشر یابیدر

اخطار

مشورت چیقه لی برسنه اولدی . ارباب غیرت و حمیتک معاویله بوکونه قدر دوام آیددی .

مصرده میزان ، پارسده مشورت عینی مقصده متحداً و متعاوناً خدمت ایدوردی . میزانک موقتاً تعطیلنه اتحاد و ترقی جمعیتی ممنون اولمادی ، تکرار انتشارینی آرزو ایدور . انحق ترکیه ایکی غزیه شهیدلک لزوم کورمیور . میزانک ملکتمزده شهرتی و مشورته حق قدیمی واردر . ترکیه مشورتک برسنه بوآیدن اعتباراً میزان چیقه جق ، مشورتک فرانسزجه سی یسه دوام آیده جکدر . میزان آونه لریه مشورت قدیم ایدیلوردی ، مشورت مشترکله بنده بوندنصرکه میزان کوندریله جکدر .

جمعیتک قوتی توسع ایتک ودها زیاده ایش کوره بیلیمک ایچون تقسیم مساعیه قرار ویرلدی . اجراآته و امور حسابیه نظارت ایتک وظیفه سی یکباشی جورکسولی احمد بکه کتابت و محاسبه خدمتلی ده دوقتور اسحق وناظم اقدیرله تودیع ایدلدی .

جمعیه ، میزانه وپاره متعلق هر نه یازیله جق ایسه احمد بکک نامه و میزان اداره خانه سه کوندرلیسی اخطار ورجا اولتور .

* *

جمعیتم بر عُمّالی جمعیتی و مشورت جنس و مذهب آرمیه رق بستون عُمّالیر خادمیدر .

فکر واملزم اهالی بی اتحاد دعوت ایتک و غوائل حاضرینی دفعه نصکره ترقی و تمدنه ال برلکله جالش مقدر . قانون اساسینک اعاده سنی ، مجلس مبعوثانک طوبیلا تمسنی محضاً بومقصد خدمت ایتک و منافع عمومی بی اومفتندن طوغریدن طوغریه حصه دار اولانلره مدافعه ایتدیرمک ایچون ایستوروز . برسنه دئیری مشورتده هب بوفکر واملی نشره چالشدق . یکوجود بر حکومت مستقله تشکیله مانع اولانلره دشمن نظرله باقدق . وفاق و اتفاق فائده مند ، نفاق و خصومتک مضر تندن . خارجک و داخلک فساد وسیله

تندن وطنداشلمزی خردار ایتدک . نجات وسعادت چاره لرینی دائماً عموم عُمّالیرلک اتحادده آرادق . سلطان عبدالحمید بالعکس اسلامی ، خرسنیانی آریور . اختلال و قتاله سبب اولیور . کندنی پاک و معصوم کوسترمک ایچون تحت استیجارنده بولتان غزیه لره قباحتی ملنک جهالته . نمصبه عطف ایدور . اصلاحات بکله یین دول معظمیه : بن جوق شی یاهجم اما اهالینک صوفی و صارقل طاقی راضی اولمیور « دیور . ترکری اورویاه متعصب و ترقی و متحدده دشمن طایبئور . هرکس بزی وحشی صانیور . علمیزده یازمدقلری ، سوبلمدکری شیلر قالمیور . مشورتک فرانسزجه نسخه سنده اجنیدره قارشو ملنک ناموس و حیثیتی ، حقوق و استقلالنی مدافعه ایدوروز . هرکیم اسلامیت . ملت علمینده غرضکارانه ، جاهلانه برشی یازه جق . سوبله جک اولورسه جواب ویریوروز . ملکتمزده مستقل ، مسئول برهیئت وکلا ، شریعتی محافظه مأمور علما و قوانینک تمامی اجراسنه نظارت ایدمک اعیان و مبعوثان مجلسلری اولمدینی وهرشی پادشاهک رأی خودسرا . نسیله یابیلدینی ایچون فرنگره بالطبع پادشاهی مسئول کوستریوروز . فسادک ، سیٹاک هب سرایدن چیقدیغنی بیلدیریوروز .

حاصلی ترکلرک فضیلتی و بویله خاٹن براداره لایق اولدقلرینی آکلاغمه نفسمزلک وسی نسبتده چالشوروز . نشریات آز اولیور . لکن تأثیرسز ، ثمرسز قالمیور .

احمد رضا

حق سلطنت

دولت وملت علیه قصداً اجرا ایلدیکی تخریبات ، سیبیه نظر شرعده مخلوع و ساقط اولان سلطان حمیدک بالقولعه سقوطی زمانی چوقدن کلدی . بوسبیه مقام خلافت و سلطنته کیمک کله جکینی هرکسک خصوصیه رؤسای حبیپروران ذهنتده ولساننده دورانه باشلادی . کیمیسی سلطان مراد حضرتلرینک خلای حقده کی قرار رشاد اقدی حضرتلرینک ولی عهدلکی متضمندر . ولی عهد اعتبارله حق خلافت و سلطنت مشارالیه رشاد اقدی حضرتلرینکدر . مع هذا مجهوله بنای آمال ایتک جاڑ اوامیه حتی کی او

آئاده مملكتده فئالق ظهوری ده مأمولار دیورلر . برفكرده بولنانلر سلطان مراد حضرتلرینك حقاریتی ده نسلم ایدوب فقط شواییکی سببه منی اوحق رشاد افندیك انسانیت وحقوق اخوته رعایتنه ترك وتودیع ایله برابر عبادا لحیدق ظلم وغصبده نادر بولنورلردن اولدیفنی ده اعتراف ایدبورلر .

برطالقاری ده حق سلطان مراد حضرتلرینكدر دیرك دعوالرینی اثبات ایچون حكم شریعت وقاعدۀ دولته مستند دلائل ایراد ایدبورلر . بزده سلطان مراد حضرتلرینك حقاریتی مرجح کورنلردن بولنورلر . دعوامزنی ده نویله اثبات ایدبورلرکه مشارالیه حضرتلرینك خلعتی ایجاب ایدن قرار « به سلطان عبدالحمید طرفدن استعمال ایدیلن حدسز حسابسز جیل ودسایس واولجهلدن اولقی اوزره تداوی حقنده ارتكاب ایدیلن تدایر خائنانه نتیجهسی اولدیفندن اساساً صحیح ومشروع دكلدر . اكابناء ایدیلن معاملاتده بالطبع فاسددر » رشاد افندی حضرتلری ایچون ولی عهدك صفتی تضمن ایدمز ؛ چونكه ولی عهدك اصول مشروعهسنه موافق اولقی اوزره بر اختلاف نتیجهسیدر . بزده ایسه اختلاف اصولی یوقدر . خلع وقوعنده ورثۀ سلطنتدن اكبر وراشد کیم ایسه اهل اختیارك مبايعه سیله خلافت وسلطنت آلك اوزرنده اعتقاد ایدر . بواصول وراثت اختلاف قاعدهسندن دهاسالم ونافعدر ؛ زیرا امتك حق انتخابی تمامی ایدر . بروقتلر اختلاف فدهکی خطا سیله ظهور ایدن فالقرندن عثمانلیلر مصون ایدیلر . رشاد افندی حضرتلرینك مسلم اولان حق سامیری ایشته شوایر وراشد قاعدهسنه ایتنا ایدمك مبايعه مستددر . ورثۀ سلطنت ایچنده آئوردن اكبر وراشد بولندینی حالده وقت مرهونه معلق قالمی ضروریدر .

بوكون خاندان سلطنتك اكبر وراشدی سلطان مراد حضرتلریدر . شو قاعده دولت تغیر اولندقه وتغیری ده جائز اولمادقه خلع وقوعنده كافهسندن اول مشارالیه سلطان مراد حضرتلرینك حق مشروعلری ظهور ایلر . هم اوله حقك عالم انسانیتی اغلادر صورتده غضب ایدلشدر . یانكر اوحقك غصبیه ده اكفای ایدلدی . جانیلر حقنده بیله وقوعی جائز اولماز برحوق صور وحشیانه ایله محبسره آتیوب هر دقیقه انواع مظالم ایله تضییق وعائله سیله برابر حیاتی تهدید اولندی . حالاده اولنورلر .

سلطان مراد حضرتلرینك طاقتلری مكمل اولسه ایدی سلطان عبدالحمید قهرکمه قبولری آچار حتی اجبیلری ادخال ایلردی . خلقك فکرنی تسکین ایچون سواقاقلده کردیروب تشهر ایلردی . بالکس خارجه اختلاطی کسهرك احوال عمومیهسی مجهول قالمی ایچون جانیلر حقنده بیله جائز اوله میان انواع تضییقات ومظالمه افانسه چالشماسی اقتضا ایلردی . هایدی بونی برطرفه آتم . یا معاينه بردهجك قالیری ؟ بوكون ورثۀ سلطنت ایچنده اكبر وراشد خصوصیه غایت مظلوم برادشاه موجود ایکن خلع وقوعنده یارم ساعده اجرا اولنه بیلهجك برمعاینهده دریع اوله بیلیری ؟

اوقدر مدتده تظاهر ایدمك مهم برحقیقت ملتك هیچ اولمازسه بدرجهبه قدر شولكهدن اولسون قورتلسمنه خدمت ایدمك وحكم شریعتله حق برینی بوله حق ایکن بونك تركی فصل جائز اولور ؟ حق انتخابی جائز برملت اداره ظالمهك رذائلری ایچنده رده بولعدیانه سكونتلیه شمدی به قدر سبیت ویردکری اوقدر مدتهش مظلله ، سواستعمالاته رده شرعاً وقاعدۀ ثابت برحق برینه کتیرماملکه نهایت ویرسه بونك مادی معنوی مسئولیتی کیمه منحصر قالیر ؟ یوقدر خسارات شریعت وقانون احکامنه عدم رعایتسندن منبت اولدینی حالده کافی دکلدرکه دولت وملتك روحنه متعلق بوله بر مسئلهدهده بیلهرك خطا ایدم . بوحالی رشاد افندی حضرتلری ده قبول ایدمز . حتی بعض ذواته کوندردکری مکتوبلرده برادر اکرملرینك عافیتلری مکمل اولدیفنی بشیر ایله برابر آثار موجود ایکن کندیلری سلطنتی قبول ایدمهچکلیکی بیلدیردیلر . بومکتوبلرده موجوددر .

اوت ، زمان مهمدر . لکن سلطان مراد حضرتلرینك قلوب امتده وخصوصیه رشاد افندی حضرتلرینك وجدانلرندهده بک متین اولان قدسیتلری ، خصوصیه مظلومیتلر کوندن کونه ترايد ایدمك بوكون سلطان عبدالحمید عونهمسندن بشقه اكا یاتمدق ، اغلامدق کیمسه قلندینی حالده حق مشروعلری میدانه چیقهجینی برزمانده کیمسه بوحالی کفت وکویه ، هیجانه سبب طونهمز . بلکه بالکس آتارکده حق مشروعلری ترك ایدیلرک شریعت وقاعدۀ دولت خلاقی التزام اولنورسه فئالق آندن چیقار .

بومعاینه وكلا ، وزرا وعلمانمۀ سلطان حمیدك كافۀ تحریباتنه اشتراك ایدن خونه واسطه سیله اولمز ؛ چونكه آثار شرائطی جامع اولدقفلردن ملت حقوق ایچون اهل اختیار اوله بیلمك شرف وخیثیتی جائز دكلدر . ملت ودولت محیی حیثیت ذوات واسطه سیله معاینه اجراسی لازمکلیر . سفارت اطباستكده بولنرله برابر بولنسی تأمین قناعت ایلر .

خلاصه تقرر قطعی به قدر بوماده حقنده هرکس سوز سویله بیلور . بزم رأیژه کوره شریعت وقاعدۀ دولته رعایت اولنهجق ایسه هرشیدن اول سلطان مراد حضرتلرینك حقاری تظاهر ایلر . بناء علیه وسائل اظهارینه توسل هرعاقل حیکتار ایچون مقدس بروظیفهده .

طریق علمیدهن

خیرالدين

آچیق مکتوب (*)

حتی قارداشم !

مکتوبکری آلم . مانمه ومشکلات ایله . ابلک مصادمه کرده بودرجه دوجار انکسار اولدینکره بک متأسف اولدم . جمعینمز هوز کنجدر .

(*) قبریسه شوکت مکه .